

ՔԱՂԱՔԱԿԱՆ ԿԱՑՈՒԹՅՈՒՆԸ ՄԵՐՁԱՎՈՐ ԱՐԵՎԵԼՔՈՒՄ ԵՎ
ՀԱՅԱՍՏԱՆԻ ԱԶԱՏԱԳՐՄԱՆ ՀԵՌԱՆԿԱՐՆԵՐԸ
(XII—XIII դդ.)

Հ. Գ. ՄԱՐԳԱՐՅԱՆ

Մերձավոր Արևելքում և Անդրկովկասում XII դարի վերջում—XIII դարի սկզբում տեղի ունեցած նշանակալի քաղաքական տեղաշարժերը, ինչպես նաև վրացական թագավորությունում իրականացված ներքաղաքական փոփոխությունները նպաստավոր պայմաններ ստեղծեցին հայկական երկրամասերի ազատագրման համար: Մահմեդական քաղաքական կազմավորումների մի մասի թուլացումը և ազատագրած տարածքները ժառանգական տիրակալության պայմանով ստանալու հեռանկարը բավարար նախադրյալներ էին X դարի վերջի—XI դարի սկզբի բոլոր հայկական թագավորությունները Զաքարյանների իշխանության ներքո կենտրոնացնելու, իսկ հետագայում նաև միավորելու և Հայաստանի անկախությունը վերականգնելու համար: Այդ կարևորագույն խնդիրը մինչև մոնղոլական արշավանքները չլուծվեց, իսկ այնուհետև ընդհանրապես դարձավ անհնարին: Ուստի սեեռուն ուշադրության է արժանի այն արտաքին քաղաքական հանգամանքների և ներքին գործոնների լուսաբանումը, որոնց պայմաններում տեղի ունեցավ հայկական երկրամասերի ազատագրումը: Անհրաժեշտ է ճշգրիտ գնահատական տալ այլևայլ տարածաշրջանների ազատագրման ընթացքին և հեռանկարներին, որը և հրապարակություն կընձեռի հիմնավոր եզրակացությունների հանգել Զաքարյան իշխանների գործունեության տարբեր փուլերի մասին:

XII դարի վերջում—XIII դարի սկզբում Հայաստանում ծավալված ազատագրական պայքարի համակողմանի պարզաբանման տեսանկյունից առաջնահերթ կարևորություն է ներկայացնում խնդրի ռազմաքաղաքական կողմի լուսաբանումը: Զաքարյանների ղեկավարած ազատագրական պայքարը ժամանակագրական և տարածքային առումներով հետազոտելիս մշտապես պետք է նկատի ունենալ նաև մահմեդական քաղաքական կազմավորումների ուժերի հարաբերակցության մեջ տեղի ունեցող վայրկյանային փոփոխությունները, այդ ամիսի լուսաբանումների ներսում ընթացող ուշագրավ սոցիալ-քաղաքական անցուղարձերը: Բանն այն է, որ պատմական երկերի հեղինակները (Կիրակոս Գանձակեցի, Վարդան Արևելցի, Ստեփանոս Օրբելյան, Թամար թագուհու պատմիչներ) ամփոփ ներկայացնելով Զաքարյանների վարած մարտերի արդյունքները, անհամեմատ սակավ չափով են լուսաբանում պայքարի տարբեր փուլերում հարձակման հիմնական ուղղությունների, գլխավոր հարվածի նպատակակետի փոփոխության հետ կապված հարցերը: Ուշադիր հետազոտությունը ցույց է տալիս, որ այդ հարցերին կարելի է պատասխան տալ մահմեդական պետական կազմավորումների ներքին և արտաքին պատմության անցուղարձերը համադրելով հայ-վրացական զորքերի մղած մարտերի տարեգրության հետ:

Ներքաղաքական փոփոխությունները, սոցիալական տեղաշարժերը իրենց ցայտուկնորեն զգացնել տվեցին Ելտկուզյանների և Շահ-Արմենների տիրապետությանը ենթակա երկրամասերում: Թե՛ Ելտկուզյանները և թե՛ Շահ-Արմենները մեծապես հենվում էին զինվորական ավագանու վրա, զինվորական ծառայության դիմաց զորահրամանատարներին շնորհելով ընդարձակ տիրույթներ: Որոշակի ծավալ և խորություն ձեռք բերած ավատատիրական նացման պրոցեսի հետևանքով, նախկին «ղուլամները» (ստրուկները, ծա-

ոաները») դառնում էին խոշոր հողատերեր՝ սկսում էին հակադրվել իրենց գերականներին: Զգալի չափով ներքին զարգացման հետևանք էր նաև Գանձակի Ելտկուզյան աթաբեկության թուլացումը: Հայկական աղբյուրների վերլուծությամբ, մինչև իր մահը Ելտկուզ աթաբեկը «բաժանեալ էր զաշխարհն իւր երկու որդւոցն. և տուեալ էր զհոռասան և զԱրագ և զնորքին բաժինն Պարսից իզլ Ասլանին, որ թարգմանի կարմիր առիծ. և զվերին կողմն Պարսից և զԱտրպատական և զԱռան և զնախջաւան՝ Փահլաւանին»¹: Մուհամեդ Փահլավանի (1176—1186) և իզլ Արսլանի (1186—1191) օրոք թեև Գանձակի աթաբեկությունը դեռևս պահպանում էր հզորությունը, այնուամենայնիվ գրվել էին ապագա թուլության հիմքերը: Ներքին բաժանմանը հաջորդեց բացառապես պայքարը աթաբեկության ժառանգորդների միջև: Այսպես, իզլ Արսլանը 1191 թ. հաղթելով սելջուկյան սուլթան Ռուքն ադ-դին Տուգրիլ III-ին (1176—1194) իրեն սուլթան հռչակեց, բայց քիչ անց սպանվեց և սկսվեց նրա պետության սրընթաց անկումը: Անժառանգ իզլ Արսլանի մահից հետո Մուհամեդ Փահլավանի շորս որդիների միջև բռնկված երկարատև կռիվները նվազեցրին այն դերը, որ խաղում էին Ելտկուզյանները Մերձավոր Արևելքի քաղաքական կյանքում, զգալիորեն դուրացրեցին Հայաստանի կենտրոնական շրջանների, Սյունիքի, Ուտիքի, Արցախի ազատագրման գործը: Շամքորի ձակառամարտում պարտություն կրելուց հետո Ելտկուզյան նուարաթ ադ-դին Արու Բաբրը (1195—1210) հարկադրված էր պաշտպանական քաղաքականություն վարել: Նրա եղբայր Ուզբեկի (1210—1225) օրոք Ելտկուզյան աթաբեկությունը ստիպված էր դիմել հզոր խոբեղմշահների պաշտպանությանն ու հովանավորությանը²: Այն չկարողացավ հարատևել մինչև մոնղոլական տիրապետության հաստատումն Անդրկովկասում, արդեն 1225 թ. աթաբեկության տարածքը գրավեց խոբեղմշահ Զալալ ադ-Դինը³:

XII դարի 80-ական թթ. կեսերին կարևոր իրադարձություններ ծավալվեցին նաև Շահ-Արմենների ամիրայությունում: Երկար տարիներ իշխելուց հետո, ռի Ուլի թվին մեռանի Շահարմեն սուլթանն իլաթայ (տպ. Իզաթայ) ի գեօղն, որ կոչի Սարթհան», — գրում է Սամվել Անեցու երկը շարունակողներից մեկը⁴: Հստ Աբու-լ-Ֆեղայի, Նասիր ադ-դին Սուլթան II-ի ղեկավարությամբ լուրն առավ իր մամուլը Բեկթիմուրը, որը գտնվում էր Մուֆարդինում, շուտով ճամփա ելավ և հասավ իլաթ, որի բնակիչների մեծ մասը փափագում էին, որ նա լինի իշխան, և Շահարմանի մամուլքներն էլ համաձայնել էին նրա հետ, ուստի հազիվ հասած, նրան թագավոր կարգեցին իլաթի վրա և նստեցրին Շահարմանի գահին⁵: Հայկական սկզբնաղբյուրի հանգամանալից տեղեկություններից երևում է, սակայն, որ Բեկթիմուրի իշխանության հաս-

¹ Ս տ ե փ ա ն ո ս Օ Ր Ր Ե Լ Ե յ ն. Պատմութիւն նահանգին Սիսական. Թիֆլիս, 1910, էջ 293. Հմմտ. Վ ա Ր Դ յ ա ն. Հաւաքումն Պատմութեան. Վենետիկ, 1862, էջ 130—131:

² *Տե՛ս* Шнхаб ад-Дин Мухаммад ан-Насави. Жизнеописание султана Джалал ад-Дина Манкбурны. Перевод с арабского, комментарии, примечания и указатели З. М. Бунятова. Баку, 1973, с. 45—46, 61.

³ Ելտկուզյանների աթաբեկության XII դարի վերջի—XIII դարի սկզբի պատմության մասին տե՛ս С. Е. В о s w o r t h. The Political and Dynastic History of the Iranian World (A. D. 100—1217).—The Cambridge History of Iran. Vol. 5, Cambridge, 1968, p. 179, 181—182; З. М. Б у н и я т о в. Государство атабеков Азербайджана. Баку, 1978, с. 88—128.

⁴ Ս ա մ վ Ե Լ Ա ն Ե ց Ի. Հաւաքումն ի գրոց պատմագրաց. Վաղարշապատ, 1893, էջ 140:

⁵ Արաբական աղբյուրները Հայաստանի և հարևան երկրների մասին (Ցախուտ ալ-Համա-վի, Աբու-լ-Ֆեղա, Իրն Շագազ), կազմեց Հ. Նալբանդյանը, Երևան, 1965, էջ 223 (այսուհետև՝ Արաբական աղբյուրները): Աբու-լ-Ֆեղան Սուլթան II-ի մահը գնում է հիշքի 579 թ. (1183 թ. ապրիլի 26—1184 թ. ապրիլի 13) վերջին: Ստեփանոս Օրբելյանին վերագրվող Ժամանակագրության մեջ (տե՛ս Ս տ ե փ ա ն ո ս Օ Ր Ր Ե Լ Ե յ ն. Ժամանակագրութիւն. Երևան, 1942, էջ 19):

տատումը ամենևին էլ անարգել և առանց ցնցումների տեղի չի ունեցել, և ոչ իր հաստատեալ աթ[ոռ] բռնակալութեան աշխարհին, զի ոչ ու[նէր] ժառանգ թագաւորութեան իւրոյ Շահիարմէնն, վասն որոյ իւրաքանչիւր ոք աւագակարար բաղում սպանութիւնս գործէր»⁸: «Մեռաւ Շահի Արմէնն անորդի, և աւեր և սուր և գերութիւն բազմացաւ ի վերայ աշխարհից նորա ի շրջակայ ազգացն»,— լրացնում է Վարդան Արևելցին⁹:

Առանձնապէս սուր պայքար բորբոքվեց Բեկթամուրի և Կարինի Սալդուխանների միջև հանուն Ուխտիսի (Օլթի): Վարդան Արևելցու և Բամար թագուհու առաջին պատմիչի տեղեկութիւններն հիման վրա, սովորաբար, ենթադրվել է, որ Շահ-Արմեններին է պատկանել, բացի Խլաթից և շրջակա գավառներից, հյուսիսում նաև Արշարունիքը¹⁰: Բավարար ուշադրութեան չի արժանացել Վարդան Արևելցու մեկ այլ վկայութիւնը, ըստ որի՝ Շահ-Արմենի ստորակա Ղարաշա ամիրային էր պատկանում «զԿնչոր և Ղուխթիսն և զամենայն ձորն Երասխայ»¹¹: Ղարաշա ամիրան 1182 թ. սպանվեց Շահ-Արմենի ձեռքով¹², և նրա տիրութիւնները, ամենայն հավանականութեամբ, անմիջականորեն անցան Շահ-Արմենին: Ինչպես վկայվում է Ստեփանոս Օրբելլանին վերագրվող ժամանակագրութիւնում, «ի նմին ամին թշուառութեան, բռնակալն Կարնոյ քաղաքի յարուցեալ ի վերայ անառիկ բերդին Աղթիբն անուանեալ, և առ զնա յաւուրս տանի աստուածածնին. իսկ ի գալ աշնանային աւուրց, յաւուրս տանի խաչգիտին, Բէկթամուրն (տպ. բէկ Թամուրն), որ և եղև աթոռակալ Շահի արմէնին, որ էր զաւրապետ զաւրաց նորա, յարուցեալ բազում զաւրաւ բեկն ի դուռն Կարնոյ քաղաքին, դարձուցանել Ղուխթիբն ի յառաջին տէրն իւր. և իբրև ոչ լուաւ, առ զերկիրն ամենայն յաւարի: Եւ մասն մի ի քաղաքէն հրով այրեաց և զԲասեանսն զերկոսեանսն ի գերութիւն վարեաց, որ և զհամար գերութեան ԸՌ ասացին, զորս զտին և զնեցին, թող ղկորուսեալսն»¹³:

Այսպիսով, Շահ-Արմենների պետութեան սահմանները ոչ միայն տարածվում և հասնում էին մինչև այժմյան Կաղզվանի կողմերը¹⁴, այլև հյուսիս-արևմուտքում նրա տիրութիւնները ընդգրկում էին նույնիսկ Ուխտիսը: Արևմուտքում Սուրման II-ին էր պատկանում նաև Տողատափը, իսկ հարավում՝ Մուշը և Սասունը¹⁵: Ավելին, «ի նոյն ամի էառ Բէկթամուրն զՎան և զՈստան և զԲաղէշ: Զերկիրն այրեաց մինչև հնազանդեցոյց ընդ իւրով իշխանութեամբ»¹⁶: Հետեաբար, XII դարի 80-ական թթ. Շահ-Արմենների պետութիւնը ընդարձակվեց, ընդգրկելով Վանա լճից հարավ և արևելք ընկած երկրա-

նշվում է Ու (1181/2) թվականը (ինչպես երևում է, դրիշը բաց է թողել վերջին տառը, որը, հավանաբար, եղել է «Դ»): Իրն ալ-Ասիրը (տե՛ս Իրն ալ-Ասիր. Թարգմանութիւն բնագրից, առաջաբան և ծանոթագրութիւններ Ա. Տեր-Ղեոնդյանի. Երևան, 1981, էջ 269): Սուրման II-ի մահը թվագրում է 1185 թ. հունիսով, որը հաստատվում է Ստեփանոս Օրբելլանին վերագրվող ժամանակագրութեան տվյալներով՝ «զի ժամ էր հնձոց» (Ստեփանոս Օրբելլան, էջ 20):

⁸ Ստեփանոս Օրբելլան. Ժամանակագրութիւն, էջ 20:

⁹ Վարդան. Հաւաքումն Պատմութեան, էջ 133:

¹⁰ Տե՛ս 2. Մանանգյան. Քննական տեսութիւն հայ ժողովրդի պատմութեան.— Երկեր, հ. Գ, Երևան, 1977, էջ 114—115: 2. Մարգարյան. Հյուսիսային Հայաստանի և Վրաստանի ժրգարի պատմութեան մի քանի հարցեր. Երևան, 1980, էջ 64:

¹¹ Վարդան. Հաւաքումն Պատմութեան, էջ 132:

¹² Տե՛ս նոյն տեղում:

¹³ Ստեփանոս Օրբելլան. Ժամանակագրութիւն, էջ 20:

¹⁴ 2. Մանանգյան. նշվ. աշխ., էջ 114, հմտ. Հայ ժողովրդի պատմութիւն, հ. III, Երևան, 1976, էջ 488:

¹⁵ Տե՛ս 2. Մանանգյան. նշվ. աշխ., էջ 111:

¹⁶ Ստեփանոս Օրբելլան. Ժամանակագրութիւն, էջ 20: Բեկթամուրը Բաղէշը գրավեց Սրզնի և Բաղէշի տեր Ահրազյաններից. տե՛ս Իրն ալ-Ասիր, էջ 342:

մասերը Բաղեշից մինչև Վան և Ամյուկ¹⁵, Այսպիսով, Շահ-Արմենների երկու հզոր հարևանները՝ Նյուկուզյան Մուհամեդ Փահլավանը և էյուբյան Սայահ ադ-Դինը (1169—1193), որոնք պայքարի մեջ մտան Սուլթան II-ի ժառանգությանը տիրելու նպատակով¹⁶, էական հաջողության հասնել չէին կարող Շահ-Արմենների դեռևս կայուն պետության դեմ:

Բեկթամուրը իշխեց հլաթում մինչև 1193 թ., երբ այդ տարվա մայիսին սպանվեց իր իսկ փեսայի՝ Բադր ադ-դին Ակ-Սոնկուր Հադարդինարի կողմից, որը և դարձավ նրա հաջորդը Շահ-Արմենների գահի վրա¹⁷: Հատկանշալի է այն հանգամանքը, որ Բեկթամուրից սկսած Շահ-Արմենների պետության գլուխ էին կանգնում հիմնականում նրանց նախկին մամուլները, Հադարդինարի մահից (հիշրի 524 թ.—13/XI 1197—2/XI 1198 թթ.) հետո Շահ-Արմենների պետությունը գլխավորությամբ արագությանը ի կործանում գրեց: Հադարդինարին յոթ օրով հաջորդեց հայազգի մամուլը հեշտաշահ Կուբլուղը¹⁸, որի սպանությունից հետո մինչև հիշրի 602 թ. (18/VIII 1205—7/VIII 1206 թթ.), վերանվանվելով Մալիք Մանսուր, իշխեց Բեկթամուրի որդի Մահմադը¹⁹: Այս վերջինը ևս սպանվեց մամուլը Իզ ադ-դին Բալբանի կողմից, որն էլ, իր հերթին, դարձավ մեռավ բռնի մահով, մեկ տարի իշխելուց հետո²⁰, Շահ-Արմենների ժառանգության շուրջ բռնկված պայքարում, Նյուկուզյանների թուլացումից օգտվելով, հաղթող դուրս եկան էյուբյանները, որոնք XII դարի 90-ական թթ. սկսած փորձում էին զենքի ուժով տիրանալ հլաթի իշխողներին պատկանող երկրամասերին: Այսպես, 1191 թ. հլաթը և Մանազկերտը պաշարեց Սալահ ադ-Դինի եղբորորդի Մալիք Մուղաֆֆար Թակի ադ-դին Օմարը, սակայն նրա հանկարծակի մահվան պատճառով այդ արշավանքը անհաջողությամբ վերջացավ²¹: Ապարդյուն էր նաև Սալահ ադ-Դինի եղբայր Մալիք Ագիլի 1194 թ. արշավանքը, որի մասին ուշագրավ վերջավորություն է պահպանվել հայկական աղբյուրներում. «ՌժՂԶ:ՈԽԳ—Մէլիք էդիլն եկն ի հլաթ պաշարեաց և չկարաց առնուլ»²², 1207 թ.²³ հլաթի վրա հարձակվեց էյուբյան Մալիք Ադիլի որդի Մալիք ալ-Աուհադը, բայց պարտություն կրեց Բալբանի և Կարինի տիրակալ Տուղրիլ-շահի միացյալ զոր-

¹⁵ Ամյուկը գրավել էր դեռևս Սուլթան II-ը (տե՛ս Վարդան. Հաաքումն Պատմութեան, էջ 124), հետևաբար Բեկթամուրն ամբողջացրել էր Վանա լճի ափի տիրույթները:

¹⁶ Տե՛ս С. Е. Босworth. Op. cit., p. 171.

¹⁷ Տե՛ս Իրն ալ-Ասիր, էջ 279: Արաբական աղբյուրները, էջ 225—226:

¹⁸ Տե՛ս Արաբական աղբյուրները, էջ 226: Հ. Նալբանդյանն առաջարկում է հեշտաշահին նույնանանցնել Սասունի Թունիկյան-Մամիկոնյաններից Վիգնի թոռ Շահնշահի հետ, քանի որ, ըստ Արուս-Ֆեդայի, հեշտաշահ Կուբլուղը ծագումով Սասունից էր (տե՛ս նույն աւղում, էջ 265, ժան. 60):

¹⁹ Իրն ալ-Ասիր, էջ 289—290: Արաբական աղբյուրները, էջ 226:

²⁰ Տե՛ս Իրն ալ-Ասիր, էջ 291—292: Արաբական աղբյուրները, էջ 226:

²¹ Տե՛ս Իրն ալ-Ասիր, էջ 276—277: Արաբական աղբյուրները, էջ 224:

²² Ստեփանոս Օրբելյան. Ժամանակագրութիւն, էջ 22: Մանր ժամանակագրություններ, XIII—XVIII դդ., կազմեց Վ. Հակոբյանը. հ. 1, Երևան, 1951, էջ 36:

²³ Մալիք ալ-Աուհադի հարձակումը և ապա քաղաքին տիրանալը Իրն ալ-Ասիրը և Արուս-Ֆեդան նշում են հիշրի 604 թ. (28/VII 1207—15/VII 1208 թթ.), սակայն վերջինիս տվյալները թույլ են տալիս էյուբյանների հաստատումը հլաթում ճշգրիտ թվագրել 1207 թ.: Բանն այն է, որ Բալբանի իշխանության գլուխ անցնելը պատմիչը դնում է հիշրի 602 թ. (18/VIII—1205—7/VIII 1206 թ.), իսկ տիրապետության տևողությունը սահմանափակում է ռաբր մի տարիսով: Հետևաբար, եթե Բալբանը հաստատվել է Շահ-Արմենների գահին հիշրի 602 թ. անգամ երկրորդ կեսին՝ 1206 թ., ապա նրա գահակալությունը ընդհատվել է արդեն 1207 թ.: Իրն ալ-Ասիրը Բալբանի տիրանալը հլաթին նշում է մեկ տարով ուշ՝ հիշրի 603 թ. (8/VIII 1206—27/VII 1207 թթ.), բայց եթե Բալբանի իշխանության սկզբի համար ելակետային ընդունենք 1206 թ., ապա երկու պատմիչների թվագրումների միջև տարաձայնությունը ինքնուրույն կվերանայ:

քերից: Հաղթանակից հետո Տուղրիլ-շահի կողմից Բալքանը սպանվեց, սակայն իսլամի տիրելու նրա հռանդուն ջանքերը արդյունք չտվեցին: Իսլամի և Մանադիկների ապարդյուն պաշարումից հետո Տուղրիլ-շահը ձեռնումայն վերադարձավ Կարին, իսկ իսլամի բնակիչները, բանակցություններից հետո, քաղաքը հանձնեցին Մալիք Աուհադին²⁴:

1207 թ. իրադարձությունների առիթով Իբն ալ-Ասիրը պատմում է մի միջադեպի մասին, որը թույլ է տալիս ավելի ընդգրկուն պատկերացում կազմել նաև նախորդ տարիներին իսլամում ծավալված դեպքերի մասին: Հստակ պատմիչի, «Երբ ալ-Մալիք ալ-Աուհադ Նաջմ ալ-Դին ալ-Ադիլը գրավեց Խաթին ու նրա գավառները, այնտեղից գնաց Մանազկերտ, որպեսզի այնտեղ ես կարգ հաստատի և անի ինչ որ անհրաժեշտ էր: Նրա իսլամի դուրս եկավ, բնակիչներն ըմբոստացան տեղի զորքի դեմ և դուրս քշեցին: Նրանք ապստամբեցին, պաշարեցին ամրոցը, որտեղ ալ-Աուհադի մերձավորներն էին և Շահ Արմանի նշանաբանով կոչ արեցին, թեպետև նա վաղուց մեռած էր: Սրանով ուղում էին ասել, թե պետք է իշխանությունը վերադարձնել [նախկին] տերերին ու նրանց մամուլներին:

Լուրը հասավ ալ-Մալիք ալ-Աուհադին, որը վերադարձավ նրանց մոտ: Մինչ այդ նա զորք էր ստացել Զադիրայից, որի շնորհիվ ուժեղացավ ու պաշարեց իսլամը: Բնակիչների մեջ տարածայնություն կար՝ մի մասը հակվեց նրա կողմը՝ ի հեճուկս ուրիշների: Նա տիրեց [Խաթին] և բնակիչներից մեծ բազմություն կոտորեց, մեծամեծների մի խումբ գերեց ու տարավ Նիքիերտ, ընդ որում ամեն օր մարդ էր ուղարկում ու մի մասին սպանել տալիս և միայն քչերը փրկվեցին: Այս դեպքից հետո իսլամի բնակչությունը ստորացած վիճակում էր, իսկ երիտասարդների մեջ տարակարծություն կար: [Նախապես] նրանց ձեռքում էր իշխանությունը և [այժմ] մարդիկ ազատվեցին նրանց շարագործությունից, քանզի մեկին թագավոր էին նշանակում, մյուսին՝ սպանում, իսկ պետությունը հեղինակություն չունեց, որովհետև ամբողջ իշխանությունը նրանց ձեռքում էր²⁵: Մեջքերված ընդարձակ հատվածում առավել ուշագրավն այն տողերն են, որոնք պատմում են «երիտասարդների» կառավարման և նրանց «շարագործությունների» մասին: Պատմիչը կարծես ակամա է թույլ տալիս այդ փոքրիկ զեղումը. ակնհայտ է, որ նա չի ցանկանում ավելին հաղորդել իր համար ատելի դեպքերի մասին: Իբն ալ-Ասիրի պատմությանոճը և հատկապես «երիտասարդ» բնութագրական տերմինը այնուամենայնիվ բավական են որոշակի գաղափար տալու համար իսլամում ստեղծված դրամատիկ իրադրության և ազդեցիկ սոցիալական շարժման մասին: Արաբական ու պարսկական աղբյուրներում «շարաք» (ինչպես նաև որպես հոմանիշներ գործածվող «ջանամարդ», «կուղեկան», «ֆիթիան») տերմիններով նշվում են քաղաքային բնակչության որոշակի խավերը, որոնք միավորված էին հայկական «եղբայրություններին» համանման կազմակերպություններում՝ «ախիներում»²⁶: Մերձավորարևելյան քաղաքներում «երիտասարդների» գործողությունները երբեմն այնպիսի շափեր էին ձեռք բերում, որ նրանք, զլխավորելով քաղաքային ստորին խավերի պայքարը, կամ հանձնում էին քաղաքը իրենց համար ցանկալի թեկնածուին, կամ էլ իրենք էին վերցնում իշխանությունը: X—XI դդ. իրադարձությունները ճիշտ նման ընթացք ընդունեցին անդրկովկասյան քաղաքներից Բայլականում և Գանձա-

²⁴ Տե՛ս Իբն ալ-Ասիր, էջ 291—293: Արաբական աղբյուրները, էջ 226—228:

²⁵ Իբն ալ-Ասիր, էջ 293:

²⁶ Տե՛ս D. Kouymjian, The Canons Dated 1280 of the Armenian Akht Type Brotherhood of Erzinjan.—Études arabes et islamiques, I—Histoire et civilisation. Vol. 2, Paris, 1975, p. 107—108; M. B. Габашидзе. Из истории социальных движений в Грузии XII века.— Кавказ и Византия, вып. 4. Ереван, 1954, с. 21—25.

կում²⁷, բայց առավել ցցուն էր Թրիլիսիի օրինակը, որտեղ շուրջ 40 տարի (1082—1122 թթ.) կառավարումն իրականացնում էին «շարաքները»²⁸, իսկ թի մասին իբն ալ-Ասիրի վկայությունները, բավական ընդարձակ լինելով, թույլ են տալիս ուրվագծել քաղաքային բնակչության տարբեր խավերի դիրքորոշումն այդ ժամանակահատվածի ճակատագրական դեպքերի ժամանակ և հետևել «հասարակ բնակչության» և նրա առաջնորդ «երիտասարդների» դերի աճին մեկուկես տասնամյակի ընթացքում:

1185 թ. Սալահ ադ-Դինի կողմից իսլամը գրավելու փորձի մասին պատմելիս հեղինակը ընդգծում է իսլամիզմի վերնախավի ցուցաբերած նախաձեռնությունը. «Իսկ (Սալահ ալ-Դինը) տատանվում էր և ահա այնպես պատահեց, որ իսլամի (իսլամ) մի քանի երևելի բնակիչներից ու ամիրաներից նամակներ եկան, հրավիրելով նրան ֆաղաֆը գրավելու»²⁹, իրականում, սակայն, իսլամի մեծամեծները գործել են նախապես մշակված ծրագրով՝ օգտագործել Սալահ ադ-Դինի և Մուհամեդ Փահլավանի հակասությունները՝ քաղաքի անկախությունը պահպանելու նպատակով: Բանն այն է, որ Նուրուդդին աթաբեկը Քիր աղջկան ամուսնացրել էր Շահ Արմանի հետ, թեև ուղ վերջինս մեծահասակ էր, որպեսզի այդ ճանապարհով տիրի իսլամի (իսլամ) ու նրա գավառներին: Երբ [իսլամ] լսեցին նրա մերձենալու մասին, դրեցին Սալահ ալ-Դինին, հրավիրելով, որ ստանձնի երկրի իշխանությունը, որպեսզի նրա միջոցով հաղթեն Բահլավանին, իսկ նրան էլ ետ մղեն Բահլավանի միջոցով, և երկիրը իրենց կմնար»³⁰: 1185 թ. իսլամիզմի վերնախավին լիովին հաջողվել է իր ազդեցության ներքո պահել քաղաքային բնակչությանը, որը ինքնուրույնաբար, սեփական ծրագրով հանդես չի եկել: «Երևելի բնակիչները և ամիրաները», առանց ներքին դժվարությունների հանդիպելու, իրականացրել են իրենց մտահղացումը. «Բահլավանը գնաց իսլամ (իսլամ) և դնում էին սուրհանդակները իսլամի բնակչության ու նրա, ինչպես նաև [իսլամի] ու Սալահ ալ-Դինի միջև: Վերջապես նրանք (իսլամի ժողովուրդը) իրենց գործերը կարգավորեցին Բահլավանի հետ և դարձան նրան կողմնակից ու հպատակության խուժրա տվեցին»³¹: Պատմիչի խոսքերից դժվար է ենթադրել, թե 1185 թ. իսլամում սոցիալական նշանակալի շարժում է տեղի ունեցել, որի ընթացքում առանձնացել են բնակչության ստորին շերտերը: Այս եզրահանգման օգտին են վկայում մինչև 1193 թ. ժավալված անցուդարձերը, երբ իսլամի ամիրայությունը, ինչպես տեսանք, պահպանում էր ռազմական հզորությունը և նույնիսկ ընդարձակել էր սահմանները: իսլամում անկայուն դրության առաջացման մասին իբն ալ-Ասիրը խոսում է նաև 1193 թ. դեպքերի առիթով, երբ պատմում է Սալահ ադ-Դինի մահվանը հաջորդող երկու ամսվա ընթացքում իսլամի տիրակալ Բեկթամուրի ձեռնարկումների մասին: Ցնծությամբ ընդունելով հղբի էությունի մահվան լուրը, նա երազում էր նոր հաջողությունների մասին, բայց «նրա մոտ խանգարում և շփոթություն առաջացավ և պատճառավորեց զնալ արշավանքի նփրկերտ (Մայաֆարիկին), այն պաշարելու նրպատակով, սակայն մահը վրա հասավ»³²: Թեև պատմիչը չի ծավալվում

²⁷ См. В. М. Бенлис. Мас'уд ибн Намдар и городское население Байлакана. — Известия АН АЗССР (серия истории, философии и права), 1966, № 3, с. 50—63; 2. Խաչատրյան. Ֆիթյանների միությունները և նրանց պայքարը քաղաքային ինքնավարության համար Հայաստանում (X—XIII դդ.). — Երիտասարդ արևելագետների հանրագիտական գիտական համաժողովի թեզեր. Երևան, 1984, էջ 8—9:

²⁸ См. В. М. Бенлис. С. 50—51. Նախադասությունը տեղում է. տ. 1962; 2. Խաչատրյան. Ֆիթյանների միությունները և նրանց պայքարը քաղաքային ինքնավարության համար Հայաստանում (X—XIII դդ.). — Երիտասարդ արևելագետների հանրագիտական գիտական համաժողովի թեզեր. Երևան, 1984, էջ 8—9:

²⁹ Իբն ալ-Ասիր, էջ 269:

³⁰ Նույն տեղում, էջ 270:

³¹ Նույն տեղում:

³² Իբն ալ-Ասիր, էջ 279:

«խանգարման և շփոթության» էության և հանգամանքների շուրջ, այնուամենայնիվ, թվում է, տեղի է ունեցել սովորական պալատական հեղաշրջում։ «Ջահիր ալ-Դին Շահ-Արմանի մամուլքներից մեկը՝ Հազարդինարին, ուժեղացել էր, շատ կողմնակիցներ ուներ և ամուսնացել էր Բաքտամուրի աղջկա հետ։ Եվ ահա նա ցանկացավ իշխանությանը տիրանալ և մարդ ուղարկելով սպանել տվեց նրան»³³։ Հազարդինարիի կառավարման ժամանակաշրջանի մասին կցկտուր տեղեկություններ են պահպանվել աղբյուրներում, ուստի նարկադրված ենք բավարարվել XIII դարի առաջին տարիների մասին Իբն ալ-Ասիրի հաղորդած տվյալներով։ Արաբ հեղինակը նշում է հիջրի 601 (29/VIII 1204—17/VIII 1205 թթ.) և 602 (18/VIII 1205—7/VIII 1206 թթ.) թվականներին «քուրջների»³⁴ երեք արշավանքների մասին դեպի հլաթի ամիրայություն, հետևյալ կերպ բացատրելով այդ իրադարձությունների հետ կապված իրավիճակը։ «Քանզի նրա տերը մանուկ էր, իսկ իրական կառավարողը իշխանություն չունեի զորքի վրա»³⁵։ Այսպիսով, Իբն ալ-Ասիրը առաջին անգամ որպես հլաթում ծավալվող դեպքերի կարևոր մասնակից, հիշատակում է զորքը, որը, միանգամայն օրինաչափորեն, իր վճռական խոսքը պետք է ասեր իգալի չափով ռազմական ուժի վրա հենվող ամիրայությունում։ Բանակի դերը որոշիչ էր 1206 թ.³⁶ սկսված դեպքերի ժամանակ, երբ «հլաթի (հիլաթ) զորքը ձերբսկսվեց իր տիրոջ՝ Բաքտամուրի որդուն, և տեր դարձավ Բալբանը (Բալբան)»³⁷։ Շահ Արման իբն Սուբանի մամուլքը³⁸, Իբն ալ-Ասիրի Պատմության հաջորդ տողերից, սակայն, երևում է, որ ներքաղաքական կացությունը հլաթի ամիրայությունում ավելի բարդ է եղել և զորքի ելույթը ազդանշան է ծառայել ուղադրված սոցիալական շարժման համար։ Պատահական է, որ իրադարձությունների այս փուլում արդեն հիշատակվում է «հասարակ ժողովուրդը», զորքի հետագա գործողությունները այլևս միասնական ձևերով չեն ղեկավարվում պատմիչի կողմից։ Դժգոհությունը Բեկթամուրի որդու կառավարումից, մինչև նրա ձերբակալումը, համընդհանուր երևույթ է ներկայացվում։ «Բաքտամուրի որդին դեռ տղա էր ու անփորձ։ Նա ձերբակալել էր Շահ Արմանի մամուլքներից ամիր Շուջա ալ-Դին Կուտուլդին, որը նրա աթաբեկն էր ու երկրի կառավարիչը և լավ վերաբերմունք ուներ զինվորների ու հասարակ ժողովուրդի նկատմամբ։ Նրա սրան սպանեց, զինվորները և հասարակ ժողովուրդը դժգոհեցին, իսկ ինքը (Բաքտամուրի որդին) զբաղված էր հաճույքներով, խաղամոլությամբ, հարբեցողությամբ։ Եվ ահա հլաթի ժողովուրդից ու զինվորներից մի խումբ գրեց Մարդինի տիրոջ՝ Նասիր ալ-Դինին, հրավիրելով իրենց մոտ... Սակայն Շահ Արմանի մամուլքներից մեկը, որի անունն էր Բալբան, Բաքտամուրի տղայի նկատմամբ թշնամական զիրք բռնեց և, ըմբոստանալով նրա դեմ, հլաթից հեռացավ Մանազկերտի երկիրը, տիրացավ նրան, զորք հավաքեց մեծ բաղնիքում ու գնալով հլաթի դեմ, ուղեց գրավել այն»³⁹։ Հետևաբար, ինչպես և 1185 թ., հլաթի ներկայումս հավակնություններով հանդես եկան երկու հակառակորդ ուժեր՝ Մարդինի Արտուխյան տիրակալ Նասիր աղ-Դին Արտուխ-Արսլանը (մոտավորապես 1201—1239)⁴⁰ և Բալբանը։ Բայց այս անգամ դրությունը բարդաց-

³³ Նույն տեղում։

³⁴ Ա. Տեր-Ղեռնդյանի բացատրությամբ՝ «քուրջ են կոչվում ոչ միայն Վրաստանը, նրա մոլորվորգը և թագավորները, այլև Հյուսիսային Հայաստանը, նրա հայ ազգաբնակչությունը և Կաթարյան իշխանապետության բոլոր հայ զորավարներն ու ռազմիկները» (տե՛ս Իբն ալ-Ասիր, էջ 398, ծան. 280)։

³⁵ Իբն ալ-Ասիր, էջ 286։

³⁶ Իրադարձությունների թվագրման համար տե՛ս ծան. 23։

³⁷ Իբն ալ-Ասիր, էջ 289։

³⁸ Նույն տեղում։

³⁹ Տե՛ս Կ. Յ. Босворт. Мусульманские династии. М., 1971, с. 166.

նում էր այն հանգամանքը, որ երկուսն էլ կողմնակիցներ ունեին քաղաքի ներսում: Պատմիչի «ժողովրդից ու զինվորներից մի խումբ» արտահայտությունը պատահական համարել չի կարելի այն առումով, որ զորքի մի մասը ոչ միայն պաշտպանում էր Բալրանին, այլև միայն նրա օգնությամբ Բալրանը կարող էր գրավել «Մանազկերտի երկիրը»: Ավելին, Մարգինի տիրակալին փորձեց խանգարել խառնել և Զազիրայի կառավարիչ էյուրյան ալ-Մալիք ալ-Աշրաֆը, բայց հաջողության չհասավ⁴⁰: Իրենց հերթին, խլաթցիները շարապեցին քաղաքը հանձնել Մարգինի տիրոջը, որը «կանգնեց իլաթին մոտիկ վայրում մի քանի օր»⁴¹: Ուստի Բալրանը նախ խորամանկությամբ իլաթից հեռացրեց անհաջողակ Արտուխյանի բանակը, ապա, ահաբեկելով նրան, ստիպեց վերադառնալ Մարգին⁴²: Իրն ալ-Ասիրի ամբողջ պատումից այն եզրակացությունը կարելի է հանգել, որ Բեկթամուրի որդու գահ բարձրանալուց հետո (1197/1198 թթ.) իլաթում փաստական իշխանությունը պատկանել է «զորքին և հասարակ ժողովրդին», որոնց նախաձեռնությամբ ու թեկնածուներով էլ տեղի են ունեցել բոլոր կարևոր իրադարձությունները: Այս հետևությունն օգտին են խոսում իլաթը գրավելու ուղղությամբ Բալրանի ձեռնարկած երկու փորձերի նկարագրությունները: Առաջին դրվագը հաստատում է այն միտքը, որ զորքի մի մասը լքել էր իլաթը և միացել Բալրանին, ինչպես նաև վկայում է «հասարակ ժողովրդի» ուշագրավ վարքագծի մասին: Պարզվում է, որ քաղաքային հասարակության այդ խավը փոփոխված իրադրության պայմաններում հանդես է եկել Բեկթամուրի որդու օգտին: «Բալրանը զորք հավաքեց ու պաշարեց իլաթը, նեղեց բնակիչներին: Այնտեղ էր Բաքամուրի տղան, որը քաղաքում եղած զինվորներին ու հասարակ ժողովրդին հավաքելով դուրս ելավ նրա դեմ: Նրանք ընդհարվեցին և Բալրանը իր հետ եղածներով միասին փախուստի մատնվեց և վերադարձավ այն վայրերը, որոնք արդեն իր ձեռքում էին, այսինքն՝ Մանազկերտ, Արճեշ և այլ բերդեր»⁴³: Նույնիսկ իլաթի տեր դառնալիս Բալրանը չէր կարող իր կամքը թելադրել խլաթցիներին և ստիպված էր համաձայնել քաղաքացիների առաջադրած պահանջների հետ: Նրբ Բալրանը երկրորդ անգամ պաշարեց իլաթը, քաղաքացիները լուր ուղարկեցին Բալրանին, երգվել տալով իրենց պայմանները ընդունել և համաձայնեցին քաղաքն ու Բաքամուրի որդուն [հանձնել նրան]: Սա տիրացավ իլաթի բոլոր գավառներին, բանտարկեց Բաքամուրի որդուն այնտեղի մի բերդում, և ամրապնդվեց նրա իշխանությունը»⁴⁴: Պատմիչի վերջին պնդումը ճշմարտությունից հեռու է թվում իր իսկ մյուս տեղեկությունների լուսի ներքո: Այսպես, երբ ալ-Մալիք ալ-Աուհադը պաշարեց և գրավեց Մուշը, իբն ալ-Ասիրի խոստովանությամբ «Բալրանի դիրքը չէր ամրացել, որ կարողանար նրան դիմադրել»⁴⁵: Նույնիսկ ալ-Աուհադին մեկ անհեր և հարկադրված էր օգնության կանչել Կարինի տիրակալին, որը և Բալրանի հետ միասին հաղթելով ալ-Աուհադին, դավաճանաբար սպանեց իլաթի տիրակալին⁴⁶: Հատկանշական է այն փաստը, որ ո՛չ Բալրանը, ո՛չ Կարինի կառավարիչ Տուղրիլ-շահը, ո՛չ էլ իլաթին վերջնականապես տիրացած ալ-Աուհադը դեմքի ուժով չկարողացան տիրանալ իլաթին: Քաղաքի փաստական տերերը «երիտասարդներն» էին, որոնք «մեկին թագավոր էին նշանակում, մյուսին՝ սպանում»: Քաղաքային շարժման ճնշումը և էյուրյանների իշխանության հաստատումը իլաթում տեղի ունեցավ համառ մարտերի պայ-

⁴⁰ Տե՛ս Ի. Ե. ալ-Ասիր, ԼՂ 290:

⁴¹ Նույն տեղում, ԼՂ 289:

⁴² Նույն տեղում, ԼՂ 289—290:

⁴³ Նույն տեղում, ԼՂ 290:

⁴⁴ Նույն տեղում:

⁴⁵ Նույն տեղում, ԼՂ 292:

⁴⁶ Նույն տեղում:

մաննևրում։ Նույնիսկ այն ժամանակ, երբ հլաթի բնակիչները լուր ուղարկեցին ալ-Աուհագին և «նա եկավ ու տիրեց հլաթին ու նրա գավառներին, բացի մի փոքր մասից»⁴⁷, իսկական պայքարը նոր միայն սկսվում էր։ Էյուբյանների նկատմամբ ակնհայտորեն թշնամաբար էին տրամադրված շրջակա ևրկրների տիրակալները, իսկ «քուրջերի» հարձակումները շարունակվում էին։ Ալ-Աուհագը դատապարտված էր շրջափակված մնալու հլաթում, քանի որ ևրկյուղում էր քաղաքը կորցնել։ Բանն այն է, որ «հլաթի գործերից մի մաս հեռացավ ու գրավեց Վան ամրոցը, որը մեծագույն և ամենից անառիկ բերդերից էր։ Նրանք (անջատված գործերը) ըմբոստացան Նաջմ ալ-Դինի դեմ։ Նրանց շուրջը գործ հավաքվեց և նրանք գրավեցին Արճեշ (Արջիշ) քաղաքը»⁴⁸։ Այսպիսով, ստեղծվեց այնպիսի իրադրություն, երբ ալ-Աուհագը անկարող էր սոսկ սևիական ուժերով տիրանալ Շահ-Արմենների ժառանգությանը։ Նա ռազմական օգնություն խնդրեց և ստացավ հորից՝ ալ-Ադիլից, Վանը պաշարելու համար ժամանեց նաև եղբայրը՝ ալ-Աշրաֆը։ Բայց բավական էր, որ Վանը գրավելուց հետո ալ-Աշրաֆը վերադառնար, որպեսզի ալ-Աուհագի դրությունը հլաթի ամիրայությունում կրկին անկայուն դառնար։ Երբ նա մեկնեց Մանադկիրում գրավելու և իրեն ենթարկելու նպատակով, քաղաքային ապստամբությունը ընդգրկեց հլաթը⁴⁹։ Սոցիալական շարժումը հլաթում, որը ավարտվեց 1207 թ. հզոր քաղաքային ապստամբությամբ, կարճատև ժամանակով միայն իշխանությունը լիովին հանձնեց քաղաքային բնակչությանը։ Նոր օգնություն ստանալով Զադիրայից և օգտվելով քաղաքում ծագած ներքին տարաձայնություններից, ալ-Աուհագը շուտով գրավեց հլաթը և դաժան դատաստան տեսավ ապստամբների հետ⁵⁰։ Քաղաքային բնակչությունը հըլաթում 1207 թ., այնուամենայնիվ, լիովին ջախջախված չէր և նոր ապստամբություն սպառնալիքը այնքան իրական էր հլաթում, որ երբ հիջրի 605 թ. (16/VII 1208—5/VII 1209 թթ.) «քուրջերը» գրավեցին և ավերեցին Արճեշը, ալ-Աուհագը չհամարձակվեց դիմադրություն ցույց տալ ոչ միայն վերջիններիս բազմության, այլև հլաթի բնակիչներից սպառնացող վտանգի պատճառով, «որոնց նա շատ կոտորել ու վնաս էր պատճառել։ Նա վախենում էր, որ ևթև դուրս գա [քաղաքից], այլևս չի կարող վերադառնալ»⁵¹։ Այդ անկայուն դրությունը, հավանաբար, պահպանվեց մինչև «քուրջերի» հերթական հարձակման և Իվանե Զաքարյանի գերի ընկնելու հետ կապված իրադարձությունների ժամանակները, այսինքն՝ շուրջ 2—3 տարի։ Այնուհետև Շահ-Արմենների պետությունը մտավ էյուբյանների տիրույթների կազմի մեջ։

Հլաթում XII դարի վերջում—XIII դարի սկզբում ծավալված քաղաքային շարժումը, որը առայժմ չի արժանացել ուսումնասիրողների ուշադրությանը, միջնադարյան հայկական քաղաքների պատմության առավել ուշադրավ դրվագներից է։ Շուրջ մեկ տասնամյակի ընթացքում փաստական իշխանությունը քաղաքում պատկանում էր «ժողովրդին»՝ այսինքն՝ արհեստավորներին, մանր առևտրականներին, քաղաքային չբավորությանը⁵²։ Նման իրավիճակը նորություն չէր անգրկովկասյան քաղաքների պատմության մեջ, բայց իսլաթյան օրինակը ժամանակագրական առումով զգալիորեն ավելի ուշ փուլով է թվագրվում (թերիսյան դեպքերի ավարտից ավելի քան յոթ տասնամյակ հետո) և նշանավորում է վերջին դրվագը տարածաշրջանի քաղաքային շարժումների պատմության մեջ։ Մոնղոլական արշավանքներից հետո

⁴⁷ Նույն տեղում։

⁴⁸ Նույն տեղում։

⁴⁹ Նույն տեղում, էջ 293։

⁵⁰ Տե՛ս նույն տեղում։

⁵¹ Նույն տեղում, էջ 294։

⁵² Տե՛ս Л. В. Строева. К вопросу о социальной природе исмаилитского движения в Иране в XI—XIII вв.—Вестник ЛГУ, № 20, 1963, с. 45—46.

քաղաքային կյանքի հետագա անկման պայմաններում այդօրինակ շարժումների մասին այլևս խոսք չի ել չէր կարող:

էյուրյանների հսկայածավալ տիրույթների մեջ մտնող իլաթը և շրջակա գավառները սկսեցին կառավարվել Մալիք Աղիլի ժառանգների կողմից, որոնք կոչվեցին «նուսանք»⁵³: 1210/11 թ. Մալիք Աուհադի մահից հետո իլաթի ամիրայությունը տարածքն անցավ նրա եղբայր Մալիք Աշրաֆին⁵⁴, որը՝ մեկ տասնամյակ իշխելուց հետո իլաթը և նփրկերտը 1221 թ.⁵⁵ հանձնեց իր եղբայր Մալիք Մուզաֆֆար ավ-Ղազուն, փոխարենը ստանալով Ուռհան և Սրուճը⁵⁶: 1224 թ. եղբոր դեմ ապստամբելու պատճառով Մալիք Ղազին կորցրեց իլաթը և ստիպված էր բավարարվել միայն նփրկերտով. իլաթի ամիրայությունում կրկին իշխեց Մալիք Աշրաֆը⁵⁷:

Խորեզմշահ Զալալ ադ-Դինի ղեկի Անդրկովկաս կատարած արշավանքների տարիներին իլաթում իշխում էր Մալիք Աշրաֆի փոխանորդ Ալի Հուսամ ադ-Դինը⁵⁸, քաղաքը էյուրյաններին էր պատկանում նաև 1230 թ. Զա-

⁵³ Կիրակոս Գանձակեցի. Պատմութիւն Հայոց. Երևան, 1961, էջ 151: Մալիք ալ-Աուհադին Մխիթար Այրիվանեցին կոչում է «Աւաթ» (Մխիթար Այրիվանեցի. Պատմութիւն Հայոց. Մոսկվա, 1860, էջ 65), իսկ Կիրակոս Գանձակեցին հիշատակում է նրա մականունը՝ «Կուզա»: Աուհադ-Կուզ նույնանունությունն ակներև է Կիրակոս Գանձակեցու Պատմության այն հատվածից, որ պատմվում է իլաթի մոտ իվանեի գերի ընկնելու և զստերը իլաթի տիրոջը կնույթյան տալու մասին. «Եւ նորա (Իվանեի—Հ. Մ.) երթեալ ի տուն իւր, առաքեաց զզուտորն իւր, որ եղև կին Կզույ, և յետ նորա Աշրաֆին» (Կիրակոս Գանձակեցի, էջ 165): Հայ պատմիչի տեղեկությունների ստուգությունը հաստատում է Աբու-լ-Ֆեդան, նշելով, որ «վրացիների թագավորի», այսինքն՝ իվանեի ղուտորն ամուսնացել էր Աուհադի հետ (Արաբական աղբյուրները, էջ 228): Հետևաբար, սխալվում է վարդան Արևելցին, երբ վկայում է, որ իվանեի գերի ընկնելիս վերջինիս ղուտորն ամուսնացել էր Մալիք Աշրաֆի հետ (Վարդան. Հաւաքումն Պատմութեան, էջ 138):

⁵⁴ Տե՛ս Արաբական աղբյուրները, էջ 228: Թե՛ ժամանակագրության և թե՛ տիրակալների հաջորդականության հարցում սխալվում է Ստեփանոս Օրբելյանը. «Եւ Ուկ (1212) թվին Մե-լիք Աշրաֆն մեռաւ և Մելիք Ավհադինն նստաւ» (Ատեփանոս Օրբելյան, Ժամանակագրութիւն, էջ 24: Մանր ժամանակագրություններ, հ. 1, էջ 38): Այս վկայությունը անխաթար տեսքով է պահպանվել Սամվել Անեցու երկը շարունակողներից մեկի մոտ. «Եւ թվին Ուկ Մելիք Ահադն (տպ. Ահմադն) մեռաւ: Աշրաֆն նստաւ (Սամվել Անեցի, էջ 147, տողատակ):

⁵⁵ Տե՛ս Արաբական աղբյուրները, էջ 229: Աբու-լ-Ֆեդայի հաղորդած հիշրի 617 թ. (8/III 1220—24/II 1221) հաստատում են Ստեփանոս Օրբելյանը. «Եւ Միշ-Ու (1221)—Մելիք Խադինն ի իլաթ Լրեկ» (Ատեփանոս Օրբելյան, Ժամանակագրութիւն, էջ 23: Մանր ժամանակագրություններ, հ. 1, էջ 39) և Ուկ (1220) թվականը նշող հայ ժամանակագիրներից մեկը (Սամվել Անեցի, էջ 147, տողատակ): Հարցի վերջնական լուծմանը նպաստում է Իբն ալ-Ասիրը, որը Ղազինի գալուստը իլաթ ճշգրտորեն թվագրում է հիշրի 618 թ. սկզբով, այսինքն՝ 1221 թ. (տե՛ս Իբն ալ-Ասիր, էջ 306):

⁵⁶ Տե՛ս Իբն ալ-Ասիր, էջ 314—315: Արաբական աղբյուրները, էջ 230: Ստեփանոս Օրբելյան. Ժամանակագրութիւն, էջ 34: Մանր ժամանակագրություններ, հ. 1, էջ 39:

⁵⁷ Ինչպես երևում է, կառավարվելով հանդերձ Մալիք Աղիլի որդիների կողմից, իլաթը համարվում էր Մալիք Աղիլի տիրույթը: Հովհաննես գրիչը, օրինակ, 1214 թ. ընդօրինակված Ավետարանի հիշատակարանում գրում է. «Եւ սուլտանութեան Մելէքը իտերն, որ տիրէր Եգիպտոսի, և սուրբ տեղեացն՝ մայրաքաղաքին ամենայն տեղերաց Երուսաղէմի, և Դամասկոսի, և Եդեսիայի, և Սոփաց Լրիքին, Դաբա մինչև ի սինաւոն վրաց» (Հայերեն ձեռագրերի հիշատակարաններ. ԺԳ գար, կազմեց Ա. Ս. Մաթևոսյան. Երևան, 1984, էջ 85):

⁵⁸ Տե՛ս Իբն ալ-Ասիր, էջ 334, 336—337: Արաբական աղբյուրները, էջ 231—232: Шихаб ад-Дин Мухаммад ан-Насави. с. 201—231.

լայ ադ-Դինիյ Վերագրավվելուց հետո մինչև 1232.33 թ., երբ այն նվաճեց Իկոնիայի սուլթան Ալա ադ-Դին Քեյ-Կուբադ I-ը⁵⁹:

Խլաթը մնաց Իկոնիայի սելջուկյան սուլթանության կազմում մինչև 1244 թ., երբ մոնղոլները խլաթը և շրջակա տարածքները հանձնեցին Իվանե Չաթարյանի դուստր Թամթային⁶⁰:

XIII դարի սկզբում նշանակալիորեն բարդացավ Հայաստանի ոչ միայն հարավային, այլև հյուսիս-արևմտյան շրջանների՝ օտար լուծը թոթափելու գործը: Եթե Հարավային Հայաստանում ամրապնդվեցին էյուբյանները, ապա հյուսիս-արևմուտքում ծավալապաշտական հավակնություններով հանդես եկան Իկոնիայի սուլթանները: Բասենի ճակատամարտում 1202 թ. կրած պարտությունը, ճիշտ է, հարկադրեց սելջուկներին դադարեցնել առաջխաղացումը, սակայն նրանց պետությունը շարունակում էր մնալ Վրաստանի ամենահզոր ախոյանը Փոքր Ասիայում: 1214 թ. Իկոնիայի սուլթան Իդ ադ-Դին Քեյ-Քավուս I-ը (1210—1219) «տիրէր երկրին Հոռոմոց, Կեսարիոյ, Սեբաստոյ և

⁵⁹ Տե՛ս Ն. Գ. Մարգարյան. Ջալալ ադ-Դինի Հայաստան և Վրաստան կատարած արշավանքների պատմության շուրջ.— «Պատմա-բանասիրական հանդես», 1931, № 4, էջ 136:

⁶⁰ Բայուրի ղեկավարությամբ կատարված մոնղոլական արշավանքը և խլաթի գրավումը ընդունված է թվագրել 1245 թ. (տե՛ս Ն. Գ. Մարգարյան. Նշվ. աշխ., էջ 228: Հայ ժողովրդի պատմություն, հ. III, էջ 612), որը, սակայն, Կիրակոս Գանձակեցու տեղեկությունների թյուր ընկալման հետևանք է: Պատմիչի ժամանակագրական ցուցումը՝ «դարձեալ ի մտանել ամին Լերկորդի փախուցանելոյ զՂիթաթադին սուլտանն» (Կիրակոս Գանձակեցի, էջ 232), ընկալվել է այն առումով, որ խոսքը վերաբերում է 1243 թ. Չմանկատուկի (Քոսե-դաղ) ճակատամարտում Ղիթա ադ-Դին II սուլթանի (1237—1246) պարտությունից երկու տարի անց տեղի ունեցած դեպքերին, այնինչ Կիրակոս Գանձակեցու նախորդ վկայությունների և այլ աղբյուրների համադրելով՝ քննությունը բացառում է նման եզրակացության հնարավորությունը: Հայ հեղինակը, պատմելով 1243 թ. արշավանքի բարեհաջող ավարտի և ձեռնարկի ներպատկով մանդոլական զորքի Հայաստան և Աղվանք վերադառնալու մասին, այնուհետև հաղորդում է Կիլիկիայի հայկական պետության և մոնղոլների միջև կնքված դաշինքի մասին. «Մեծարանօք յարգեցին զղեսպանսն արքայի (Հեթում I-ի—Ն. Մ.), և կարգեցին նոցա ոռոգիկս և Լերկարաց նոցա՝ զժամանակս ձմերանն, զի ի լինել զարնանոյն ընդ նոսին երթիցեն յաշխարհն իրեանց, Հաստատեցին և սէր ընդ արքայի, ետուն և գիր ըստ ղենին իրեանց, զոր էյ-սամազայն կոչէին: Եւ այսպէս սպասէին՝ մնալով եղանակին զարնան, յորում միւսանգամ երթիցեն ի վերայ սուլտանին և աշխարհի նորա» (էջ 285—286): Բնական է, որ մոնղոլները հաջորդ իսկ՝ 1244 թ. պետք է զարգացնեին նախորդ տարվա հաջողությունը և ոչ թե Իկոնիայի սելջուկներին ուղբի գալու և նորից համախմբվելու հնարավորություն ընձեռեն: Հետևաբար «ի մտանելն ամին Լերկորդի» պետք է ըմբռնել հաջորդ տարվա իմաստով: Ստեփանոս Օրբելյանին, հատկացվող ժամանակագրությունը մոնղոլների այդ նույն արշավանքը՝ «Թաթարն ի Հայաստան» դուռն գնաց և զԲաղլէ էառ» (Ստեփանոս Օրբելյան. Ժամանակագրություն, էջ 25: Մանր ժամանակագրություններ, հ. 1, էջ 43, հմտ. Կիրակոս Գանձակեցու վկայությունը. «Տուն (մոնղոլները—Ն. Մ.) ի ձեռս նորա (Թամթայի—Ն. Մ.) զխլաթ և զգաւառն» որ շուրջ զնովաւ, և ինքեանք ասպատակ սփռեալ ընդ կողմանս ի Միշագետս Ասորոց, յԱմիթ և յՈւրհայ և ի Մծրին և ի Շամրին երկիրն», էջ 292—293) թվագրում է ՌՄԽԶ—ՈՂԳ—1244 թվականով, որը միանգամայն ընդունելի է: Անանուն Սեբաստացի տարեգիրը, որը իր երկր շարադրել է հիմնվելով Վարդան Արեւելցու և Կիրակոս Գանձակեցու Պատմությունների վրա, թյուր ընկալելով վերջինիս վերոբերյալ վկայությունները, խլաթի գրավումը մոնղոլների կողմից դնում է 1245 թ. (տե՛ս Մանր ժամանակագրություններ, XIII—XVIII դդ. հ. II, Երևան, 1956, էջ 140): Ըստ Ռաշիդ ադ-Դինի, այդ արշավանքը տեղի է ունեցել հիշքի 642 թ. (9/VI 1244—30/IV 1245 թթ.) (տե՛ս Рашид-ад-Дин. Сборник летописей. Т. II, М.—Л., 1960, с.125): Մոնղոլների առաջխաղացումը, սկսվելով զարնանը, ամռանը տոթի պատճառով դադարեցվել էր (տե՛ս Կիրակոս Գանձակեցի, էջ 292—293): Հետևաբար, պարսիկ պատմիչի նշած հիշքի 642 թ. պետք է կոնկրետացնել ամռան ամիսներն ընդգրկող առաջին հատվածով և համապատասխան համարել Ստեփանոս Օրբելյանի նշած 1244 թ.:

Կանին եւ այլ բազում մայրաքաղաք]աց, եւ Սինոպին, մինչև ի ծովն Լի-
բէացոց»⁶¹։ Իկոնիայի սուլթանութիւնը առանձնակի հզորության հասավ Ալա-
ադ-Դին Քեյ-Կուբադ I-ի (1219—1237) օրոք, որի նախաձեռնութեամբ վեր-
սկսվեց սելջուկների առաջխաղացումը դեպի Հյուսիս-արևմտյան Հայաստան։
XIII դարի 30-ական թթ. սկզբին Իկոնիայի սուլթանութիւնը զգալիորեն ըն-
դարձակվեց դեպի հարավ և արևելք, բախման մեջ մտնելով էյուբյանների և
Վրաստանի հետ⁶²։ Չնայած ականառու ռազմական հաջողութիւններին, ներ-
քաղաքական իրադրութիւնը Իկոնիայի սուլթանութիւնում մոնղոլական ներ-
խուժման նախօրյակին տագնապալից էր։ Դիաս ադ-Դին Քեյ խոսքով II-ին
(1237—1246) միայն մեծ ջանքերի գնով հաջողվեց ճնշել այն ապստամբու-
թիւնը, որը գլխավորում էր դերվիշ Բաբա Իսահակը, հայտնի Ռասուլ ան-
վանումով։ «Սուտ վարդապետ մի յարեաւ Մահմետի ի Հոռոմք և անուանեաց
զինքն Բաբ Ռասուլ և յետ սակաւուց բարձաւ շարն ի միջոյ»⁶³։ Թե որքան խա-
խուտ էր սուլթանութիւնը ներսից, ցույց տվեցին մոնղոլական արշավանքնե-
րը։ 1243 թ. Չմանկատուկի (Քոսե-դադ) ճակատամարտում կրած պարտու-
թիւնը ճակատագրական դարձավ Իկոնիայի սելջուկյան սուլթանության հա-
մար, որը այսուհետև մոնղոլներին ենթակա երկրներից մեկն էր Փոքր Ա-
սիայում։

XII դարի վերջի—XIII դարի սկզբի Մերձավոր Արևելքի քաղաքական
կյանքի ուշագրավ կողմերից մեկը մահմեդական փոքր ամիրայութիւնների
կուլ գնալն էր անհամեմատ խոշոր պետական կազմավորումներին։ Այդ պրո-
ցեսը բացասաբար անդրադարձավ հայկական երկրամասերի ազատագրման
ընթացքի վրա, հայ-վրացական զորքերին դուրս բերելով այնպիսի հզոր ու-
ժերի դեմ, ինչպիսիք էին էյուբյանների պետութիւնը և Իկոնիայի սուլթանու-
թիւնը։

Այսպես, սկսած XII դարի կեսերից իրենց դիրքերը խիստ զիջեցին Ար-
տուխյանները, որոնք հարկադրված էին ընդունել շրջակա ավելի հզոր քա-
ղաքական կազմավորումների գերակայութիւնը։ Արդեն XII դարի վերջում
ներառեց այլևս չէին կարողանում մասնակցել քրիստոնյաների դեմ ուղղված
մահմեդական ամիրայութիւնների ռազմական ձեռնարկումներին։

Արտուխյանների ճակատագիրը կիսեցին Բաղեշի և Արզնի տիրակալ Թու-
ղան Արսլան ալ-Ահմադի ժառանգները՝ Ահմադյանները։ Ինչպես ասվեց, XII
դարի վերջին Բաղեշը նրանցից խլեցին Շահ-Արմենների ամիրայութիւնի տի-
րակալները, իսկ վերջին հենակետը՝ Արզնը, 1230/31 թ. գրավեցին էյուբյան-
ները⁶⁴։

XII դարի վերջում ծանր օրեր էին ապրում նաև Կարինի Սալդուխյաննե-
րը, որոնք ենթարկվում էին ինչպես Վրաստանի, այնպես էլ Իկոնիայի սուլ-
թանության ճնշմանը։ Տոհմի ամենանշանավոր ներկայացուցիչ Իզ ադ-Դին
Սալդուխի մահից հետո նրա ժառանգորդները կորցրել էին նախկին հզորու-
թիւնը։ 1201 թ. Կարինը Սալդուխյաններից գրեց Իկոնիայի սուլթան Ռուքն
ադ-Դինը (1196—1204) և հանձնեց եղբորը՝ Մուղիս ադ-Դին Տուղրիլ-շահին,
սակայն Սալդուխյանները մինչև XIII դարի 30-ական թթ. պահպանում էին
նախկին տիրութիւնների մի մասը՝ Մժնկերտ ամրոցը իր շրջակայքով⁶⁵։

⁶¹ Հայերեն ձեռագրերի հիշատակարաններ. ԺԳ դար, էջ 85։

⁶² Տե՛ս «Պատմա-քանասիրական հանդես», 1981, № 4, էջ 136։

⁶³ Ս տ ե փ ա ն ո ս Օ Ր Ր Ե Լ Կ ա ն. Ժամանակագրութիւն, էջ 25։ Մանր ժամանակագրու-
թիւններ, հ. 1, էջ 41, հմմտ. Ս ա մ վ Ե Լ Ա ն Ե ց Ի, էջ 150, տողատակ։ Վ. Ա. Գորդևսկին Բա-
բա Իսահակի ապստամբութիւնը թվագրում է 1239 թ. (տե՛ս В. А. Гордлевский. Госу-
дарство Сельджукидов Малой Азии — Избранные сочинения. Т. I, М., 1960, с. 126—129),
իսկ Ք. է. Բոսվորթը՝ 1240-ով (տե՛ս К. Э. Босворт. Указ. соч., с. 180). որը և հաս-
տատվում է Ստեփանոս Օրբելյանի վկայությամբ։

⁶⁴ Տե՛ս Ի Ր Ն ա Լ-Ա ս Ի Ր, էջ 340—341։ Արաբական աղբյուրներ, էջ 233։

⁶⁵ Տե՛ս Հայ ժողովրդի պատմութիւն, հ. III, էջ 490։ А. А. Хачатрян. Корпус араб-
ских надписей Армении VIII—XVI вв., вып. I, Ереван, 1987, с. 63—64.

Ուշադրով է այն հանգամանքը, որ XIII դարի սկզբում հնարավոր եղավ ադաբաթը և այն փոքր ամիրայութիւնների տարածքը, որոնք ամփոփված էին հիմնականում քաղաքների շրջանակներում և ընդունում էին իրենց հզոր հարեանների գերակայութիւնը, խուսափելով այդ պետութիւնների մի սասը դառնալու սպառնալիքից: Այսպես, Կարսի ամիրաները XII դարի կեսերին ընդունում էին Կարինի Սալղուխյանների, իսկ հետագայում՝ Շահ-Արմենների գերակայութիւնը⁶⁶: Սուրմարիի տերը XIII դարի 20-ական թթ. հպատակվում էր իսլամի էյուլյաններին⁶⁷, իսկ 1225 թ. Գառնիի ճակատամարտում խորհրդաշահի՝ հայ-վրացական բանակի նկատմամբ հաղթանակ տանելուց հետո քաղաքի ամիրաները հնազանդվեցին Զալալ ադ-Դինին և ժառայութեան անցան նրա մոտ: Հինդ տարի անց, Յասսի Չիմանի ճակատամարտում իկոնիայի սուլթանութեան և էյուլյանների միացյալ բանակից խորհրդանների կրած պարտութիւնից հետո, Զալալ ադ-Դինը Սուրմարին վերադարձրեց էյուլյաններին⁶⁸:

XII դարի վերջում սպառնացին Վրաստանի անմիջական հարեան Անիի Շեղդադյանների պաշտպանական հնարավորութիւնները: Անիի համար մղովու պայքարը, տեւելով շուրջ մեկ հարյուրամյակ, վերջ ի վերջո ավարտվեց Շեղդադյանների պարտութեամբ: Քաղաքը շորորող անգամ գրավվելուց հետո անցավ Զաքարե ամիրսպասալարին և նրա սերունդներին: Վերջին Շեղդադյանների օրոք հանուն քաղաքային ազատութիւնների և ինքնավարութեան մղովու պայքարում տնեցիները հասել էին զգալի հաջողութիւնների: Անիի հայ բնակչութիւնն այդ տարիներին իրեն այնքան հզոր էր զգում, որ 1186 թ. անեցիները, առանց երկնշելու շրջակա ամիրայութիւնների վրեժխնդրութիւնից, հարձակվեցին ու գրավեցին Բարսեղ արքեպիսկոպոսի և նրա եղբայրների «հայրենիք» Մառաքսր ամրոցը, որն այդ ժամանակ պատկանում էր խզիլ Արսլանին⁶⁹:

Առայժմ ընդհանուր տեսակետ գոյութիւն չունի Անիի վերջին Շեղդադյան ամիրայի ինքնութեան և իշխանութեան տարիների շուրջ, թեև վիմագրական նյութը հնարավորութիւն է ընձեռում պատասխանել այդ հարցերին: Չնայած արդեն 1849 թ. Անիի 1198/99 թ. պարսկերեն արձանագրութեան հրատարակիչ Մ. Խանիկովը Շեղդադյանների տոհմաժառի մեջ էր մտցրել այդ արձանագրութիւնում հիշատակվող Քեյ-Սուլթանին⁷⁰, նորագույն աշխատութիւններում վերջինիս գոյութիւնը ժխտվում է: Վ. Մինորսկու կարծիքով, արձանագրութիւնում պարզապես պարսկերենից արաբերեն է թարգմանված Շահնշահ ամիրայի անունը, ուստի նա, թեև որոշ կասկածով, երկուսին նույնացրել է⁷¹: Սակայն Սուլթանը «սպասալար» տիտղոսով հիշատակվում է նաև Քալինի 1174 թ. արաբերեն արձանագրութիւնում, ուստի այդ վիմագրի վերջին հրատարակիչ Ա. Խաչատրյանը իրավացիորեն մերժում է Վ. Մինորսկու

⁶⁶ Տե՛ս Հայ ժողովրդի պատմութիւն, հ. III, էջ 492:

⁶⁷ Տե՛ս Իրն ալ-Ասիր, էջ 312:

⁶⁸ Տե՛ս Шихаб ад-Дин Мухаммад ан-Насави, с. 159, 259.

⁶⁹ Տե՛ս Վարդան. Հաւաքումն Պատմութեան, էջ 174—175: Մի ի թ ա Ր Ա ն ե ց ի. Մատեն աշխարհավէպ հանդիսարանաց, աշխատասիրութեամբ Զ. Գ. Մարգարյանի. Երևան, 1983, էջ 109—110:

⁷⁰ Տե՛ս M. Brosset. Quelques inscriptions musulmanes de Ani et des environs de Bakou: extrait d'une lettre de M. Khanykoff. — Me'langes Asiatiques, t. I, 1-re livr., SPB., 1849, p. 73. Արձանագրութեան երկրորդ հրատարակութիւնը իրականացրել է Լ. Տ. Գյուլզալյանը, տե՛ս Л. Т. Гюзялян. Персидская надпись Кей-Султана Шеддадида в Ани.— Академия Наук СССР — академику Н. Я. Марру, М.—Л., 1935, с. 629—641.

⁷¹ Տե՛ս V. Minorsky. Studies in Caucasian History. London, 1953, p. 101, 106.

տեսակետը «Շահնշահ» անվան թարգմանության վերաբերյալ, Բայց այնուամենայնիվ ընդունում է «Շահնշահ-Սուլթան» նույնանունացումը⁷²։ Սուլթան Վարդանի Պատմությունից գիտենք, որ Շահնշահը 1174 թ. Վրաստան գերի տարվելուց հետո այլևս չվերադարձավ Անի⁷³, հետևաբար, ինչպես վկայում է Թալինի արաբերեն արձանագրությունը, նույն թվականի սեպտեմբերին նրան հասցրել էր հաջորդել եղբայրը՝ Սուլթանը։ Վերջինիս անունը գիտական գրականության մեջ տարածված է նաև Քեյ-Սուլթան կամ Քայ-Սուլթան թուրքականում, որի պատճառը, Վ. Մինորսկու համոզիչ պարզաբանմամբ, «Քեյ» հաբարերական դերանունն անձնանվան մաս համարելն է եղել⁷⁴։ Այսպես, հետո պարզ է, որ Անիի վերջին Շեղադյան Սուլթանն է հիշատակվում Անիի 1193 թ. հայերեն արձանագրությունում⁷⁵, և XII դարի վերջին վերագրելի Շիրահավանի անթվական վիճաբերից մեկում։ «Միջնորոթեամք տեսաւ Բարսեղի եպիսկոպոսի և յաւագութեանս Անոյ Սուլթանին»⁷⁶։ Այսպիսով, Շեղադյանների տոհմածառը անհրաժեշտ է լրացնել և վերջին Շեղադյանի կառավարման ժամանակահատված համարել 1174—1199 թթ.։

Ընդհանուր առմամբ գնահատելով քաղաքական իրադրությունը Մերձավոր Արևելքում ու Անդրկովկասում XII դարի 80-ական թթ. մինչև XIII դարի 30-ական թթ. ընկած հիսնամյակում, կարելի է ասել, որ այն խիստ բարդ և հարափոփոխ ժամանակաշրջան էր։ «Մեծ սելջուկների» տերության փլատակների վրա գոյացած ամենատարբեր շահերի և հզորության քաղաքական կազմավորումներն ապրում էին մի կողմից ներքին խմորումների ու դժվարությունների, մյուս կողմից էլ՝ վերախմբավորման ու ավելի խոշոր պետական միավորումների մեջ համախմբվելու ժամանակաշրջան։ Քանի դեռ այդ պրոցեսները չէին ավարտվել՝ Վրաստանի և Հյուսիս-արևելյան Հայաստանի համար արտաքին քաղաքական իրադրությունը բարենպաստ էր և ավելի շատ հարձակողական, քան պաշտպանական քաղաքականություն վարելու հնարավորություն էր ընձեռում։ Այսպես, XII դարի 90-ական թթ. Անիի Շեղադյանների թուլացումը, միաժամանակ ելտկուդյանների ու Շահ-Արմենների արտաքին քաղաքական դժվարությունները և ներքին պայքարը նախադրյալներ ստեղծեցին Բագրատունյաց մայրաքաղաքի և Արագածոտնի աղատագրման համար։ XIII դարի սկզբից մինչև ելտկուդյանների աթաբեկության վերացումն ընկած ժամանակաշրջանում Զաքարյանները հաստատվեցին Հայաստանի կենտրոնական և հյուսիս-արևելյան շրջաններում՝ Դվինում, Սուրբում, Արցախում։ Փոխարենը՝ էյուբյանների նվաճիչ տիրելուց հետո Զաքարյաններին չհաջողվեց հիմնավորվել Արաքսից հարավ ընկած հայկական գավառներում։ XIII դարի սկզբում՝ Կարսի գրավումից հետո, երբ տեղի ունեցավ Բեկտիայի սուլթանության նոր վերելք, կայուն սահմանագիծ առաջա-

72 Տե՛ս А. А. Хачатрян. Нижнетагильская арабская надпись 570/1174 года.— «Պատմա-քաղաքական հանդես», 1979, № 4, էջ 195, ծան. 40։ նույնի՝ Корпус..., с. 46։

73 Տե՛ս Վարդան. Հաւաքումն Պատմութեան, էջ 169։ Տարօրինակ տրամաբանությամբ է առաջնորդվում Զ. Մ. Բունիատյանը, որի կարծիքով Թամար թագուհու առաջին պատմիչի տեղեկությունը՝ Անին «նախկին տերերի ազգականին» հանձնելու վերաբերյալ (տե՛ս յճճճճճճճճ Օնոնոնյան, Թ. II, տձ., 1959, թ. 15) հերքում է Շահնշահի ճակատագրի մասին Վարդանի վկայությունը (տե՛ս З. М. Бунятов. Указ. соч., с. 60)։ Մի՞թե Սուլթանը նույնպիսի իրավունք չունի համարվելու «նախկին տերերի ազգական», որպես նրա եղբայր Շահնշահ։

Տե՛ս V. M. Pogosky. Op. cit., p. 100, note 1, հմմտ. А. А. Хачатрян. Нижнетагильская арабская надпись 570/1174 года, с. 197, прим. 58։ «Մոռուլայով» հիշատակելու հեղինակին, Վ. Մինորսկու բացատրությունը կրկնել է Զ. Մ. Բունիատյանը (տե՛ս З. М. Бунятов. Указ. соч., с. 60, прим. 70)։

75 Տե՛ս Զ. Ալիշան. Շիրակ. Վեհատիկ, 1881, էջ 85։ Դիվան հայ վիճաբորության, պրակ 1, Երևան, 1966, էջ 47։

76 Զ. Ալիշան, Շիրակ, էջ 10։

ում նաև Հայաստանի հյուսիս-արևմուտքում: Հետևաբար, XII դարի վերջում—XIII դարի սկզբում Զաքարյանները իրական հնարավորություններ ունեին Հայաստանի միտն հյուսիսային, կենտրոնական և հյուսիս-արևելյան շրջանների ազատագրման համար:

XIII դարի 20-ական թթ. Անդրկովկասում նախ մոնղոլների, ապա նաև խորհրդացիների հալածվելուց հետո, երբ ծանր փորձությունների ենթարկվեցին ոչ միայն վրացական թագավորությունը, այլև էյուբյանները, իսկ Ելտկուվյաններն ընդհանրապես հեռացան պատսական ապարեղից, Զաքարյան իշխանները շուրջ մեկ տասնամյակի ընթացքում չկարողացան նշանակալի հաջողությունների հասնել: Նրանք կրկին հանդես եկան հայկական երկրամասերի ազատագրման նախաձեռնությամբ միայն XIII դարի 30-ական թթ. առաջին կեսում, մոնղոլական զլխավոր արշավանքի անմիջական նտխորդին, երբ Վահրամյանները վերստին աղատագրեցին Շամքորը⁷⁷, իսկ Զաքարյան ժողովրդավարի սերունդները վերջապես անցան Արաքսը և տիրացան Սուրմարին և Կաղզվանին⁷⁸: Այսպիսով, րարենպաստ իրադրություն ստեղծվեց Հարավային Հայաստանում առաջխաղացումը շարունակելու համար, քանի որ դարձավ պայքար էր բորրոքվել Իկոնիայի սելջուկների և էյուբյանների միջև հանուն Շահ-Արմենիների ժառանգության: Դժբախտաբար, հենց այդ պահին էլ հասավ առավել ծանր հարվածը: Իրադարձությունների հետագա ընթացքը կանխորոշեց 1236 թ. մոնղոլական արշավանքը, որը րացառիկ կարճ ժամանակամիջոցում արտասովոր հաջողություններ բերեց նվաճողներին: Կովկասյան քաղաքական և մշակութային աշխարհի համար արտաքին կացությունը կտրուկ կերպով վատթարացավ: Հայ ժողովրդի համար սկսվեց մաշաոումների և հանուն գոյատևման մղվող պայքարի երեարատն ժամանակաշրջան:

ПОЛИТИЧЕСКАЯ ОБСТАНОВКА НА БЛИЖНЕМ ВОСТОКЕ И ПЕРСПЕКТИВА ОСВОБОЖДЕНИЯ АРМЕНИИ

(XII—XIII вв.)

А. Г. МАРГАРЯН

Резюме

Исследование военно-политической обстановки в Закавказье и на Ближнем Востоке в целом имеет первостепенное значение для выяснения хронологии и направлений освободительной борьбы, возглавляемой Захаридами. Закат могущества атабекства Элдигюзидов и эмирата Шах-Арменов был в значительной степени обусловлен важными внутренними процессами в самих эмиратах. Борьба между внуками атабека Элдигюза в 90-х годах XII в. положила конец их влиянию на Ближнем Востоке и ускорила освобождение центральных районов Армении. Сюнка и Утика. В южной Армении, в эмирате Шах-Арменов, сталкивались интересы различных группировок военной служилой знати, чем воспользовались Аюбиды, присоединив Хлат и прилегающие районы к своим владениям. Процесс консолидации был характерным и для северо-западных районов Армении, где небольшие политические единицы подверглись аннексии султанов Иконии. Таким образом, освободительная борьба на юге и северо-западе не имела шансов на успех. Обстановка еще более ухудшилась с первым появлением монголов (1220—1221 гг.), а затем и хорезмийцев (1225—1231 гг.), остановивших продвижение Захаридов и других армянских правителей. В свою очередь, монгольский поход 1236 г. полностью перечеркнул успех предшествующей эпохи и поставил кавказский мир в исключительно неблагоприятные условия. Историческая перспектива освобождения армянских земель и восстановления независимости страны оказалась нереализованной.

⁷⁷ Տե՛ս Ա. Ի. Շահահարյան. Վահրամյանների իշխանությունը մոնղոլների հետախուզական արշավանքի և Զալալ էդ-Դինի նվաճումների ժամանակ.—«Երասեր հասարակական գիտություններ», 1980, № 6, էջ 62:

⁷⁸ Տե՛ս «Պատմա-բանասիրական հանդես», 1981, № 4, էջ 137: